

Na osnovu člana 56. Zakona o organizaciji organa uprave u Federaciji BiH («Sl. novine F BiH» broj: 35/05), člana 51. Zakona o izvršenju Budžeta Bosansko-podrinjskog kantona Goražde („Sl. novine BPK Goražde“ broj: 01/23), Programa utroška sredstava sa ekonomskog koda 614200 (JAM 003) - Tekući transferi pojedincima - Zdravstveno osiguranje za 2023. godinu, na koji je Vlada Bosansko-podrinjskog kantona Goražde dala saglasnost svojom Odlukom broj: 08-11-211/23 od 10.02.2023. godine, te Odluke Vlade Bosansko-podrinjskog kantona Goražde o ostvarivanju prava iz obaveznog zdravstvenog osiguranja za povratnike u Republiku Srpsku broj: 03-33-213/23 od 10.02.2023. godine, Ministar za socijalnu politiku, zdravstvo, raseljena lica i izbjeglice Bosansko-podrinjskog kantona Goražde **raspisuje:**

JAVNI POZIV

za podnošenje zahtjeva za ostvarivanje prava iz obaveznog zdravstvenog osiguranja za povratnike u Republiku Srpsku

Član 1.

Predmet Javnog poziva jeste podnošenje zahtjeva za ostvarivanje prava iz obaveznog zdravstvenog osiguranja za povratnike iz Federacije BiH – Bosansko-podrinjskog kantona Goražde u Republiku Srpsku, koje podrazumjeva :

- zadovoljavanje potreba u primarnoj zdravstvenoj zaštiti;
- specijalističko-konsultativnoj zdravstvenoj zaštiti;
- bolničkoj zdravstvenoj zaštiti sa odgovarajućom medicinskom rehabilitacijom.

Član 2.

Uslovi za ostvarivanje prava na zdravstveno osiguranje su:

- Dokaz da je povratnik imao status raseljenog lica u F BiH i
- CIPS-ova lična karta izdata u općini povratka u RS.

Član 3.

Dokumentacija koja se dostavlja uz zahtjev:

- Dokaz da je povratnik imao status raseljenog lica u F BiH – ovjerena Izjava;
- CIPS-ovu potvrdu ili ovjerenu kopiju lične karte izdatu u općini povratka u RS za sve punoljetne članove domaćinstva;
- Ovjerena izjava da povratnik nema zdravstveno osiguranje u mjestu povratka u RS;
- Izvod iz matične knjige vjenčanih za supružnika (ne stariji od 6 mjeseci) – original ili ovjerena kopija;
- Izvod iz matične knjige rođenih za svakog maloljetnog člana porodičnog domaćinstva – original ili ovjerena kopija;

Član 4.

Zahtjev sa priloženom dokumentacijom podnosi se Zavodu zdravstvenog osiguranja Bosansko-podrinjskog kantona Goražde, na propisanom obrascu koji se može preuzeti u Zavoda zdravstvenog osiguranja Bosansko-podrinjskog kantona Goražde, kao i u prostorijama Ministarstva za socijalnu politiku, zdravstvo, raseljena lica i izbjeglice Bosansko-podrinjskog kantona Goražde.

Podnošenje zahtjeva nije ograničeno vremenom i isti se mogu podnositi do kraja budžetske godine.

Član 5.

Javni poziv objavljuje se na službenoj web stranici Vlade Bosansko-podrinjskog kantona Goražde www.bpkg.gov.ba i na Oglasnoj ploči Bosansko-podrinjskog kantona Goražde.


Član 6.

Javni poziv ostaje otvoren tokom čitave godine.

**Ministarstvo za socijalnu politiku,
zdravstvo, raseljena lica i izbjeglice
Bosansko-podrinjskog kantona Goražde**

Broj:08-33-135-3/23

Goražde, 14.02.2023. godine



MINISTAR

Senad Čeljo